

## **AKÜJIA SÜKUA'IPA SÜCHIKI SÜJUTU WAYUU SA'U MMAKAT**

So'u ka'i po'loo, kashi tisiienpre, juyaa pol'lootua po'loo shikii mekiietsattua po'loo shikii sünainmün pienchi shikii mekiisalumün (1948), sü'tpüna tüü Kottirawaa sa'inraka tüü Nasiones Uniiras münaka, saapain süma shi'iraajirün akua'ipa tüü a'inrushika süpüla sujutu wayuu sa'u mmakat. Tüü pütchi sülü'uwataka anain ashajuneer shi'ipa'aya karalo'utalu'u. Süchikije asawatünün kasa makat anülia achuntunusü namünin naa sülaulayuukana mma, " nerajirün tüü pütchi alu'uwataanaka sülü'u karalo'utakat tüü, süpüla süshajününjatüin, saashajenünjatuin, kachikiinjatüin shia sülü'upüna tüü e'ikuleepüleekat ekat e'in, nnojolüünjatü ko'utküin sülü'uwataya sa'u tüü mmakat.

### **PÜTCHE SÜPULAPÜNA**

JÜLÜJÜINJATÜ A'IN taashi, kasalajana, kamaneejirawaa, sa'u tüü mmakat kayuupalasü sünainje kajütün atuma tüü akua'ipa wanawakat napüla napüshua naa wayukanairua.

JÜLÜJÜINJATÜ A'IN aka meraajüin süma mojutün atuma tüü pütchi aapüshika süpüla süjutu wayuu, watta saali tüü kasa mojüsü a'innaka sa'upüna na'in wayuu; aka shia'in e'itaanünin ma'aka tüü kasa müliakana ma'i e'iree naa wayukanana, süpüla nasawatünin wanee mma eere akatatnünin no'ulia tüü momoluu jeema mülia, eere taashi nakua'ipa süpüla yootoo jee müsüya süpüla anouja sünain kasa nano'ujekat anain;

JÜLÜJÜINJATÜ A'IN a'inmajününjatü ma'i palaajana süchikua sujutu wayuu, sülü'u wane sükua'ipa eere neimalüünjatüin na'in súlia ashüküjawaa sünain pasalawaa sa'u nakua'ipa;

JÜLÜJÜINJATÜ A'IN pa'inwaajiraa'ijnanain süchiirua aleewaa napüshüa naa sülaulayuukana alu'uwatawa sa'u tüü mmakat;

JÜLÜJÜINJATÜ A'IN naa kottiraakana sünain tüü Nasiones Uniiras münaka no'unirün na'in süchirua tüü achiki süpülajatka sujutu wayuu sülü'u wanawain

nakua'ipa jieyuu nama tooloyuu; suma nayataajirain shiire anaata sümülliala wayuu sülü'u tüü anakat akua'ipa sünain taashi;

JÜLÜJÜINJATÜ A'IN naa sülaulayukana mma sunainkana tüüaapüshi nanüiki süpüla ayaataajirawa nama naa sülü'ukana tüü Orkanisasion te las Nasiones Uniiras münaka, süpüla kajütüinjatüin atüma, tüü akua'ipa aheejanaka napuleerua naa wayukanairua;

JÜLÜJÜINJATÜ A'IN aapanüinjatü akua'ipa wanawa nekiiru'umüin napüshua pütchika tüü süpüla anainjatüin saañajia napüla wayuu, süpüshua tüü pütchi alu'uwataanaka anain;

#### KOTTIRAWAA MÜLO'USÜKA SÜKÜJA'IN

TÜÜWAALAI SÜCHIKIMAAJATÜKA SÜJUTU WAYUU SA'U TÜÜ MMAKAT, isakat anain wa'in acheküsü kapüla'in na'in naa sülaulayuka mma otta müsüya natuma naa wayukanana jee tüü laulapiakat süpüla na'inrüin waneepia shia süma nashatüinjatüin sukua'ipa sünain e'ikaa süchirua kajütüinjatüin atuma süpüshua sülü'uwtaka achiirua pütchikat tüü.

#### SHI'IPAJANA WANE (1)

Naa wayukanana jemeishi süpüla taashi süma wanawa sülü'u nakua'ipa, aka müin yaa epijainjana sünain anajiranawaa a'in nama napüshi.

#### SHI'PAJANA PIAMA (2)

Tüü alu'uwatanaka sülü'u pütchikat tüü napülajatü naa wayukanana napüshua nnojotüsü süpüla ko'utküinjanain sa'uje natapa'a, nanuki nanoujain no'ummain jee müsüya sa'uje kasa ekat e'in wanawa'injatü napüla wanepia.

Ottamüsiya naa wayukanairua nojolinjana join apülaa sa'uje sükua'ipa no'ummain.

#### SHI'IPAJANA APÜNÜIN (3)

Naa wayuukana eeshi süpüla kajutüinjatüin atuma napülerua tüü kataakat o'u, tüü taashi jee müsüya a'inmajuna akua'ipa süulia kasachiki.

#### **SHI'IPAJANA PIENCHI (4)**

Nojolüinjachi aapünün wane wayuu süpüla achepchia, apülajünütpa kasa müsüaka tüya sülü'u sükua'ipa süpushuaya.

#### **SHI'IPAJANA JA'RAI (5)**

Nnojotüsü süpüla mulia'in a'in naa wayuukana atuma, nnojotüsü süpüla amojojunüin nakua'ipa.

#### **SHI'IPAJANA A'IPIRUA (6)**

Kajutüinjatü nakua'ipa naa wayuukana eepunaale naya.

#### **SHI'IPAJANA AKARATCHI (7)**

Wanawashi napüshua naa wayuukana so'upala tüü sülaulaka a'inmajia, anaaka naya joolu'u a'inmajünün wanawa. Nojolüinjana letüin süulia tüü akua'ipa sülü'uwataka tüü pütchi karalo'utalüka.

#### **SHI'PAJANA MEKIISAT (8)**

Naa wayuukana eeshi süpüla asakajaasüchirua nakua'ipa laulapialu'upüna maaka shiinnule amüin tüü akua'ipa aapüshika namüin sülü'u tüü Konstitutionka.

#### **SHI'IPAJANA MEKIETSAT (9)**

Noojolüinjachi ata'unüin wane wayuu masalajanoule.

#### **SHI'IPAJANA PO'LOO (10)**

Naa wayukana eeshisüpüla wanawain nakua'ipa sünain aapajuna anuiki, o'upala sütuma tüü e'itatka süsalajana kasa süpüla shiitaanüinjatüin süsalajana nañajala sülü'u anakat akua'ipa.

### **SHI'IPAJANA PO'LOO WANEMÜIN (11)**

1. Wayuu ekai aküjünün achiki sünain kaañajala nnojolüinjachi süsalajanain ma'aka matujajule a'u; wane'ereja shiraajünapa sükua'ipa, shiitanetka süsalajana ma'aka sülü'uwtain laulayuu süpu'uya tüü.
2. Nnojolüinjana süsalajana'in wane kasa ekai masalajana'in wane suma saañajunün aka sülü'uwtain sükua'ipa laulapia nnojolüinjatü joolu'u mülo'ulein süsalajana atuma ayatüinjatü saalii ma'aka so'ukai sañajünaka a'u.

### **SHI'IPAJANA PO'LOO PIAMAMÜIN (12)**

Nnojolüinjana eke'ejünün a'in naa wayukana sa'uje nakua'ipa nepialu'u, süma napüshi jee müsüya sa'uje tüü karalo'uta antakaa namüin a'inmajününjatü tüü nakua'ipa süulia jamajün naya atuma.

### **SHI'IPAJANA PO'LOO APÜNÜINMÜIN (13)**

1. Naa wayukana eeshi süpüla waraitüin eepünaweele, eeshi süpüla kapüyain sülü'u tüü mma nachekekakalü na'in.
2. Jee müsüya naa wayukana eeshi süpüla antaa süma o'una sülü'uje no'ummain otta müsüya sülü'uje wane mma naatajatü.

### **SHI'IPAJANA PO'LOO PIENCHIMÜIN (14)**

1. Ma'aka nüchejanüle achiki wane wayuu sülü'u no'ummain, eeshi süpüla nüchüntüin akalijuna sülü'u wane mma eere anain nümüin.
2. Akua'ipakat tüü kajutüinjatü atuma süuleerua wane añañajala ekai naatüin süulia sükua'ipa tüü Nasiones Uniiras münaka.

## **SHI'IPAJANA PO'LOO JA'RAIMÜIN (15)**

1. Naa wayuukana eeshi süpüla sünüliamüin naya wane mma.
2. Nnojotüsü süpüla saakatnün no'ulia sünülia no'ummainnnojotüsü  
achechetnünjatüin shia nanain ma'aka nawanajaweere süulia.

## **SHI'IPAJANA PO'LOO A'IPIRUAMÜIN (16)**

1. Nnojotsü pülajününjatüin namünin naa wayuukana kawayuuse, jieyuu  
nama tooloyuunnojotsü erajanünjatüin palajaana jalejeeewolin, kasain  
nano'ujain anain kasatalüin nata, süpüla kapüshinjanain wanawainjana  
sülü'u anakat akua'ipa.
2. Akasalajünüshi naa wayuukana ma'aka nacheckule na'in.
3. Tüü wapüshika shia akümajaka wapüleerua tüü akua'ipakat, aka müin yaa  
wa'inmajünjatü jee müsüya a'inmajününjatü natuma naa sülaulayuukana  
mma.

## **SHI'IPAJANA PO'LOO AKARATCHIMÜIN (17)**

1. Napüshua naa wayuukana eeshi süpüla kakoroloin naya, otta müsüya  
kakorolojirain nama waima wayuu.
2. Nnojotsü süpüla süsutünün mojütoule nükorolo wane wayuu.

## **SHI'IPAJANA PO'LOO MEKIISALÜMÜIN (18)**

Naa wayuukana eeshi süpüla taashi akua'ipa süpüleerua ano'uja, otta müsüya  
e'itana na'in sünain kasa anakat napüleerua.

## **SHI'IPAJANA PO'LOO MEKIETSALÜMÜIN (19)**

Naa wayukanairua eeshi süpüla taashi akua'ipa sünain yootoo súchiki tüü kasa  
nekiiru'ukana nnojolüinjana süsalajanain aashajawaa süma aapajana wane kasa

achiki süpüla nülu'uwata'in shia süpüla saapajünün epünaweere shia  
nülu'uwata'in achiki.

### **SHI'IPAJANA PIAMA SHIKII (20)**

1. Naa wayuukana eeshi süpüla taashi akua'ipa süpüla a'inraa wane jutkataa  
jee müsüya kottirawa sülü'u mausii.
2. Nnojotsü süpülaachechetenün a'in wane wayuu sünain süpushi wane  
jutkataa.

### **SHI'IPAJANA PIAMA SHIKII WANEMÜIN (21)**

1. Napüshua naa wayuukana eeshi süpüla nalu'uwataajirain nama naa  
sülaülayuukana alu'uwatawaa;ottamüsüya eeshi süpüla neitain wane  
nache'epu'ujana ekai nachequin na'in.
2. Naa wayuukana eeshi süpüla eraaja wanawaa sukua'ipa tüü  
alu'uwatawaaka sa'u no'ummain.
3. Jutchüin na'in naa wayuukana shia suyuupalaka sukua'ipa tüü  
alu'uwatawaa aka müin yaa jayasü sukua'ipa suka tüü woto münaka,  
süpüla alilikira naa shikiipu'unüinjanaka alu'uwatawaa su'l'u'u anakat  
akua'ipa.

### **SHI'IPAJANA PIAMA SHIKII PIAMAMÜIN (22)**

Napushua naa wayuukana eeshi süpüla na'inmajünün aküa'ipa, otta müsüya  
eeshi süpüla neraajün süpüshua jamün sukua'ipa shiitajia suwashirün, suma  
sutnetshe tüü mmakalüirua süpüla anainjatüin na'in sünainje tüü kasa natujaakat  
a'u.

### **SHI'IPAJANA PIAMA SHIKII APÜNÜINMÜIN (23)**

1. Naa wayuukana eeshi süpüla nayatain sünain kasa nayataweekat anain,  
suma sa'inmajününjatüira sukua'ipa nayatain suulia amüloulii.

2. Naa wayuukana nnojülünjana ko'utkün wanawainjatü nakanajüin, wanawale nayatain.
3. Nayataale naa wayuukana akanajünjana sünainje nayatain, süma wanawa'injatüin tüü nakanajaka suma nayatain, süpüla anainjatüin na'in sünain epijaa nuchounni.
4. Naa wayuunakana eeshi süpülaachejawaa sukua'ipa wane kottaa süpüla kajütüin atuma tüü keireekat na'insunain anatiraa nakua'ipa.

### **SHI'IPAJANA PIAMA SHIKII PIENCHIMÜIN (24)**

Nayataale naa wayuukana eeshi süpüla neemerain so'u wane ka'i, otta müsüya ayawatününjatü sukalia nayatain sapünapa namüin tüü eemerawaaka wala'inqana suma'iru.

### **SHI'IPAJANA PIAMA SHIKII JA'RAIMÜIN (25)**

1. Naa wayuukana eeshi süpüla epijawaan sulu'u anakat akua'ipa süma napüshi ma'aka sa'in kapuyaa, kashe'in, eraajaana ayuipa, anaa sulu'u sükua'ipakat süpushua.
2. Naa jemeyuunnukana otta müsüya naa jo'uyuukana a'inmajününjana süpüleerua kasa süpushua naa jo'uyuukana a'inmajününjana sulu'u sükua'ipa süpushua a'itaina jemein süma waneejetüin napüshi.

### **SHI'IPAJANA PIAMA SHIKII AIPIRÜAMÜIN (26)**

1. Naa wayuukana napushua eeshi süpüla ekirajuna mojutünjatü shia napuleerua suttiana'in ekirajawaan nalatirapatü, süpüla ko'omünün natüjain wanawainjatü nakua'ipa sünain antaa sulu'umüin tüü ekirajaapulee mulo'usüka unipersitaa munaka aka sükua'ipa atuma.
2. Naa wayuukana ekirajününjana süpüleerua anataa nakua'ipa suma atujaa kajutaa atüma tüü suchikika sujutu wayuu süpüla anainjatüin susanalia tüü

- mmakat süchirua asauta tüü anamia suchekaka achiki tüü Nasiones  
Uniiras munaka.
3. Napüla naa wayuukana eeshi süpüla aneekajaa tüü ekirajawaa  
aapuneeka namüin nachounni.

### **SHI'IPAJANAPIAMASHIKIIAKARATCHIMÜIN (27)**

1. Napushua naa wayuukana eeshi süpüla erajirain wanaa nama naa  
waneirua sünain antiraa süchiki kasa anasü napüla napushua.
2. Naa wayuukana eeshi süpüla sa'inmajünün tüü kasa namüinka,otta  
müsüya tüü kasa nayralaka nekiiru'uje suka na'in namuiwa'a.

### **SHI'IPAJANA PIAMA SHIKII MEKIISALÜMÜIN (28)**

Napushua naa wayuukana eeshi süpüla shiitaanüinjatüin napüleerua wane  
sükua'ipa sa'u tüü mmakat süpüla pansainjatüin sañajia tüü sülü'uwtakat anain  
tüü pütchika.

### **SHI'IPAJANA PIAMA SHIKII MEKIETSALÜMÜIN (29)**

1. Naa wayukanairua jülinjatüna'in nakua'ipa naa wayuu kapuyakiraaka  
nama aka anain naya sünain epijawa anajiralee nakua'ipa napushua.
2. Shia'ala nnojotka anain süpüla na'inraa tüü apülapjunaka napüleerua  
laülapialu'ugesüpüla anainjatüin sukua'ipa süpüshua tüü kasakat.
3. Akua'ipakat tüü nnojotsü peipolojatüin suma tüü akua'ipa sülü'uwtakat  
anain tüü Nasiones Uniiras münaka.

### **SHI'IPAJANA APÜNÜIN SHIKII (30)**

Sülü'ukot karalo'utakat tüü nnojotsü aapanüinjatüin süpulainmüin tüü sülaülakot  
mma nnojotsü aapanüinjatüin napülainmüin no'utku wayuu, nnojotsü  
aapanuinjatüin süpüla nüpülain wane wayuu. A'iruushi süpüla nnojolüinjatüin  
alatünün a'upuna tüü pütchi süpülapjatka süjutu wayuu sa'u tüü mmakat.